



# САМУРДИН сес

«Магъарамдхуьруьн район» МР-дин общественно-политический газет.  
Общественно-политическая газета МР «Магарамкентский район».

Тешкилайди: «Магъарамдхуьруьн район» МР.

Газет 1951- йисалай акъатзава. № 9 (7725) киш, 28 - февраль, 2015- йис. Къимет 6 манат.



## МЕДАЛАР – ВЕТЕРАНРИЗ

1945-  
-2015

Федерациядин Президентди 2013-йисан 21- декабрдиз къабулнавай Указдалди Ватандин Чехи дяведа гъалибвал къазанмишайдалаи инихъ тамам жезвай 70 йисан юбилейдин медалар мубаракна.

Шад мярекат райондин культурадин Квалдин самодетельностди ва хуьруьн школадин аялри ветеранриз гъазурнавай концерт гуналди акъалтна.

**Р. МУРАДАЛИЕВ.**

25- ФЕВРАЛДИЗ Уружбайрин хуьруьн школада Ватандин Чехи дяведин йисара далу патан фронтда гъакъисагъвилелди зегъмет члугур ветеранрив юбилейдин медалар вахуниз талукъарнавай мярекат кыле фена. И шад вакъиада «Магъарамдхуьруьн район» МР-дин кыл Ф. Агъмедова, райондин администрациядин кылин везифаяр вахтуналди тамамарзавай Гъ. Мурадалиева, Дагъустан Республикадин военный комиссариатдин Магъарамдхуьруьн районда авай отделдин начальник Э. Гъажиева, райондин «Самурдин сес» газетдин кылин редактор А. Исмаилова ва хуьруьн интеллигенциядин векилри иштиракна.

Мярекат сифте гаф рахуналди муниципальный райондин кыл Фарид Загъидиновича ачухна ва ада ветеранриз Россиядин



## ЗИ ХУЬРУЬНВИЯР ФРОНТДА ВА ДАЛУ ПАТА

ЯНВАРДИЗ Махачкъалада кыле фейи республикадин край чирдайбурун XVI олимпиадада «Зи хуьруьнвияр фронтда ва далу пата» темадай Филерин юкъван школадин 9-класда клелзавай САМУРХАНОВА Руваятани иштиракна. Жюриди 100 къвалахдикай хягъай 40-дак Руваятан сочинениени квай. Ада вичин сочинение далу патан къвалахрин иштиракчи, Ватандин Чехи дяведа душмандихъ галаз женг члугур капитан Айдемиров Семендаран юлдаш Насиятаз талукъарнавай. Руваят Дипломдиз лайихлу хъана. Къе чна адан сочинение газет клелзавайбурун фикирдиз са къадар куьруь авуна ва кхьенвайвал урус члалалди гузва. Ам квевай 7- чинай клелиз жеда.

# ГЪАЛИБВИЛИН КЪАРШИДИЗ

## Эхиримжи нефесдалди

КЪЕНИН зи ихтилат Хутункъазмайрин хуъре яшамеш хъайи Агъадин хва Азизов Агъамирзедикай я. Ам дидедиз 1902-йисуз хъана. Агъа, адан буба агъваллу лежбер тир. Адахъ вичин чилер, багълар, мал-къара ва са шумуд жуът цан цадай яцар авай. Вични дирибаш, дуъньядин гъавурдик квай кас хъана.

Агъади вичин кве гададиз-Агъамирзедизни Жамирзедиз квалев тарс гана: абур араб, фарс, туьрк члаларихъ галаз танишарна. Диндин тарсарни рикелай ракъурнач. Гуьгъуьнлай Агъамирзе медресадиз клелиз ракъурна. Ада члехи гъевес, ашкъи аваз клелна. Ада винидихъ тиварар къунвай пуд члални лап хъсандиз чирна. Математикадал ва маса илимрал рикливай машгъл хъана.

Девирар дегиш хъана. Совет гъукумат арадиз атайла Дагъустандани савадлувал хкажунин месэляяр къарагъарна. Гъукуматди диндин медресаяр клелнавай бур цийи мектебриз желбна. Гъа икI, Агъамирзедикай Хужакъазмайрин школада математикадин малим жезва. Акъалтзавай цийи девирдин несилдиз ада са шумуд йисуз чирвилер гана.

1940-йисан 23- февралдиз Агъамирзедиз армиядин жергейриз эвер гузва. Са шумуд вацран къене Агъамирзеди артиллеристрин школада клелзава. Савадлу жегилдикай артиллерийский расчетдин хъсан пешекар жезва. И курсарани адаз математика герек атана.

1941- йисан июндиз Ватандин Члехи дяве башламишайла Азизов Агъамирзедикай вичин яракъ лап хъсандиз чизвай военный пешекар хъанвай. Расчетдин командир яз ам виридаз чешнени тир. Гъа тегерда ам душмандин хурузни экъечина. Са женгина душмандивай чи аскерар къунвай сенгеррай акъудиз тежедайла, абуру танкар ахъайна. Агъамирзедин артиллериядин расчетди са шумуд танк ва душмандин цудралди аскерар телефна. Душмандин гъужум акъваз



Азизов Агъамирзе

хъана. Командир Агъамирзе душмандин танкарин колонна ахъай тавунай медалдиз ва тивар янавай тапанчидиз лайихлу хъана.

Енакиев шегьер (Украина) душмандикай азад ийидайла, Агъамирзедал залан хирер жезва. Са шумуд вацра хирер са жуъре госпиталра сагъар хъувурдалай къулухъ Агъамирзе ВВК-ди вахтуналди муьгълет гана Дагъустандиз рахкурзава. Хутункъазмайрин хуъруьн миxьи гъавади, хизандин ва мукъва-къилийрин къайгъударвили, жегил фад кивачел акъалдар хъийизва. Хизандивай, мукъва-къилийривай Агъамирзе мад квалев хуъз хъхъанач. Ада фронтдиз рекъе гъат хъийидайла дамах гвачиз вич рекъе хутазвайбуруз лугъузва: «Душман чи чилелай чукурна гъалибвал гваз хкведа зун».

Гила ам къуллугъ давамариз НКВД-дин частуниз рекъе туна.

Агъамирзеди немсерин дяведин есирар рекъе твазвай. И къуллугъдални ада вич кар алакьдай, тапшурмишай кар къилиз акъуддай аскер яз къалурна. Гъа икI Гъалибвилин югъ алуькдалди. Агъамирзедиз анжах 1946-йисан сентябрдиз квалевиз хтун къисмет хъана.

Хутункъазмайрал хтай къвед лагъай юкъуз Агъамирзе колхоздин правлениедин идарадиз фена. Гъа и юкъуз ам бригадирвилени тайинарна. Бригада гзаф хилеринди тир. Гъар юкъуз чуьлдихъни, багъларихъни, фермадихъни, агакъна кланзавай. Дяведилай гуьгъуьнин йисар неинки дарвал авай йисар тир, гъакI кваллахдай къуватарни бес жезвачир. Агъамирзеди инсанар руьгъламышзавай, вичи чешне къалурзавай, ам виринра вилик жергейра аквадай. ХуьрекIвале, жемятдин гъал- агъвал яваш-яваш гуьнгъуна гъат хъийиз башламишна. Дяведилай гуьгъуьнин а йисара Билбилринни Хутункъазмайрин колхоз сад тир. Колхоздиз техника герекзавай. Механизаторарни авачир. Колхоздин собраниеди Агъамирзе Буйнакск шегьердиз тракториствилени курсариз ракъурзава. Анай хтайла ада са шумуд йисуз колхозда механизаторвиле кваллахзава. Тапшурмишай гъар са кваллах аферин алаз тамамарзава.

1951- йисуз Агъамирзе колхоздай Пензадин областдиз там атлуз, чкланвай хуьрер, шегьерар гуьнгъуна хутаз рекъе твазва. Инани ада баркалла алаз зегъмет чуьгвазва...

Яшар хъанвайтани, ам колхоздин, гуьгъуьнлай совхоздин дердийривай къерех хъанач. Ам вичелай алакьдай кумекар гуз, меслятар къалуриз, эхиримжи нефесдалди халкъдин арада хъана...

Алатай асирдин 90- йисара Агъамирзе буба чавай къакъатна. Бубайри лугъудайвал, адан гурмагъдай гум хва Аслана ва Агъамирзе бубадин невейри акъудзама. Асланан члехи хва Абутиалиба Махачкъала шегьерда юстициядин органра майордин чинда аваз къуллугъзава.

Диде- бубадин руьгьер динж я рухвайрикай ва невейрикай. Абуру хуьре, квалев, жемятдин арада гъуьрмет аваз яшамеш жезва...

Аллагъяр АБДУЛГЪАЛИМОВ.



# ПОДВИГ *моей землячки* *Насият в тылу*

КОГДА фашистская Германия напала на нашу страну, все работоспособное мужское население ушли на фронт. А ушедших на фронт мужей, сыновей и братьев заменяли наши женщины-труженицы. Не покладая рук они трудились днем и ночью, чтобы обеспечить армию, чем могли и как могли. Поэтому в канун 70 летия победы Советского Союза над гитлеровской Германией, я хочу посвятить свою исследовательскую работу подвигу моей землячки Насият в тылу.

Во второй половине 1942 года Дагестан оказался прифронтовым районом. Трудящиеся республики самоотверженно трудились во всех отраслях народного хозяйства, строили оборонительные сооружения. Летом и осенью 1942 года на строительство оборонительных рубежей вышло около 150 тысяч человек. Объем одних только земляных работ составил свыше 10 млн. кубических метров. За этот подвиг правительство наградило более 20 тысяч дагестанцев медалью «За оборону Кавказа». На фронте солдаты понимали, что от их подвигов зависит судьба их родных. И это понимание всем народом обеспечило нашей стране единство фронта и тыла.

В тылу женщины, старики, дети, интеллигенция тоже трудились ради победы. И одной из таких женщин была моя землячка Насият-жена ушедшего на фронт капитана Айдемирова Семендера, Насият, которой было всего 18 лет. Она сделала все, чтобы приблизить день Победы. О ее подвиге в тылу я расскажу в своей работе.

Моя землячка Насият знала, как на фронте солдаты нуждаются в продовольственных товарах, теплых вещах. Как только муж Айдемиров Семендер отправился на фронт, Насият вопреки желанию родственников, которые хотели, чтобы она сидела дома, пошла работать в колхоз. «Сознание патриотического долга творила чудеса, люди за



смену выполняли норму на тысячу и более процентов, хотя в сельском хозяйстве, в промышленности трудились в основном женщины и молодежь» пишется в «Книге Памяти». За достигнутые успехи в сельскохозяйственной работе председатель колхоза назначает Айдемирову Насият бригадиром комсомольской бригады, в ее бригаде трудились ребята, которым еще не было 18 лет. И они во главе с бригадиром Насият перевыполняли нормы, еще раз они проходили по полям, собирая в убранных полях оставшиеся колосья зерен, ведь солдат нужно было кормить, чтобы они нас защищали. В тяжелые для страны годы Насият стала бригадиром комсомольской бригады колхоза. За свой добросовестный труд в тылу она была принята в ряды партии. После работы на поле, в ночное время Насият с односельчанами вязала чулки, варежки для солдат и отправляли на фронт. Среди этих женщин, активно работала и учительница Закиржаева Сурьме. Наша школа, колхоз за самоотверженный труд в тылу, за обеспечение продовольствием, теплыми вещами армию удостоился благодарственного письма от И.В Сталина, где стояла его личная подпись.

Горцы и горянки Дагестана, кроме выполняемых работ, в дни войны

с любовью и заботой окружили фронтовиков и их семьи, инвалидов войны, раненных бойцов и командиров Красной армии, которые лечились в госпиталях размешенных в Дагестане. Наши землячки, среди которых была и Насият собирали и сушили лекарственные растения, которых отправляли в госпитали, чтобы облегчить участь раненных солдат.

Молодая, красивая жена капитана Семендера как никто другой хотела приблизить этот день победы, и как никто другой умела ждать. И поэтому кроме работы в колхозе она совершила и другой подвиг, о котором я хочу рассказать. О глубине, высоте и красоте этого подвига пусть рассудят современники и извлекут урок. Оставшиеся в тылу женщины, старики и дети, заменяя ушедших на фронт мужей, сыновей, братьев, и отцов, ударно трудились в садах, на полях и фермах района, участвовали в создании оборонительных рубежей. Собирали средства в фонд обороны страны, на постройку танковой колонны «Шамиль». И моя землячка Насият внесла свой денежный вклад пять тысяч рублей в танковую колонну «Шамиль» о чем свидетельствует справка выданная председателем колхоза и подтвержденная сельсоветом. Кроме того, вопреки своим родственникам Насият отдала в фонд создания тяжелого вооружения все медные кастрюли, тазы, в чем еще их семья нуждалась.

И в этом подвиге Насията есть своя красота, высота и глубина. Она пожертвовала собой ради любви к человеку, к Родине, и ко всему народу. Моя землячка Насият умерла 2011 году. О подвиге ее мы будем говорить и писать всегда. Это есть настоящий пример бескорыстной любви к мужу-фронтовику, к Родине и ко всем нам... Вот в чем заключается красота, глубина и высота подвига моей землячки Насият.!

КАРАТЭ

# ХИЙИРЛУ СЕМИНАР

КЁКУСИНКАЙ каратэдин «Алпан» клуб вилик тухунин пландихъ галаз къадайвал, 8- февралдиз Белиж поселоқда, 2-нумрадин школадин спортдин залда Киблепатан Дагъустанда каратэдин Россиядин организациядин официальнойный векил Багъаудин Давришеван гуьзчивилик кваз устадвал хкажунинни тренировкайрин семинар кыле фена. Семинарди Магъарамдхуьруьн, Буткъазмайрин, Дербентдин ДЮСШ-рай спортсменри, гьакI Дербент шегьердин аялрин ва жегьилрин яратмишунрин Дворецдин аялрин «Маленькие патриоты» объединениедин тербиячийри иштиракна. Вири санлай 50 касдилай гаф.

Семинар тухунин мурад спорт машгур авун, спортсменрин женгинин устадвал хкажун, спортдал машгул жезвайбурун жерге-

яр гегьеншарун тир.

За жуван ва женгинин юлдашрин тIварунихъай чаз спортдин залдикай тамамвилелди менфят къачудай мумкинвал гайи Тажир ва Дауд Даудовриз риклин сидкыдай чухсагъул лугъузва. ГьакI семинар тухуз куьмек гайи диде- бубайризни, семинардин иштиракчийризни чухсагъул лугъуз кланзава.

Белижда кыле фейи кёкушиноввийрин гуьруьш эхиримжи 10 йисан кьене сад лагъайди хъана. Ам чи клубдин уьмуьрда гьамिशалугъда, адан иштиракчийрин къадарни артух жедайдахъ умуд кутазва.

**Шихан**

**Багъаудин ДАВРИШЕВ.**

**Шикилда:** семинардин иштиракчийр.



## Са тI илил ховер къаз

**РЕКЪЕЛАЙ** кIвачи-кIвачи элячIзавай чкадал кьве кас ягъай чIехи къуллугъдал алай чиновникди судьядивай хабар къазва:

- Гила нетижа гьихътинди жеда.

- Кылив яна вилик квай гуьзгьуь хайидаз къастуналди гьужум авунай ва тарашиз клан хъунай вад йис, цавай фена валариз аватайдаз- муьжурд йис ва агъвалат кыле фейи чкадила катиз чалишмиш хъунайни алава йисар гуз жеда.

Утерянный диплом серии К №66030, выданный Дагестанским государственным педагогическим институтом в 2012 году на имя Аличубановой Шанисиб Абубакаровны ввиду утери **считать недействительным.**

Тагьирхуьруьн къазмайрин юкван школадин малимрин коллективди **ДЕВРИШЕВА Маният Нуралиевна** кечмиш хъунихъ галаз алакьалу яз, рагьметлудан хизандиз ва мукьвакылийриз дериндай хажалат чIугуналди башсагълугъвал гузва.



## ГЬЕРЕКАТ БАШЛАМИШ ХЪУВУНА

2015-ЙИСАН 25- январдилай Дербентдай Сергьят станциядал къван электропоездрин гьерекаат акъвазарнай. Президент Владимир Путин Россиядин Минтрансдин адресдиз авур критикади уьлкведа санлай 40-дахъ агакьна акъвазарай электричкаяр гьерекаатдик кутун хъувуна. 9- февралдилай Дербент-Сергьят, Сергьят-Дербент маршрутдайни электропоездри гьерекаат хъийиз башламишна.

## МАЛИМРИ ГЪУЪЖЕТ КЪАДА

РОССИЯДИН халкъдин образованиедин ва илимдин работникрин профсоюздин Дагъустандин республикадин организацияди малимрихъ галаз санал коммунальный къуллугърай гьакьи гунин рекьяй республикадин Халкъдин Собраниеди къабулнавай закон суддал акъвазарун кьетIнава. Закондик дегишвилер 12-январдиз кутунай. Профсоюзди гьисабзавайвал, и дегишвилери Россиядин закондиз аксивал ийизва.

## АДАЗ БАЛУГЪ ВА КИЕЛИЗ КИАНДА

ДУЪНЬЯДА виридалайни яшлу итимди вичин 112 йис кьейдна. 113-йисаз кам вегьенвай японви Сакари Момои виликан малим я. Ам 1903-йисан 5-февралдиз Фукусима префектурада хана. Момои яшамиш жезвай Сайтамы шегьердин гьакимри малумарайвал, адан сагъламвал гьа виликдай хъиз хъсанзава. Ада йикъа пуд сеферда незва, адан балугъдал ва ктабар кIелунал рикI ала.

Гиннесан Ктабдин делилрай, дуьньяда виридалайни яшлу дигьеглини Япониядай я. Ам мартдиз 117 йис тамам жедай Мисак Окава я.

Кылин редактор  
**А. ИСМАИЛОВ.**

Газет гьафтеда  
садра акъатзава.

**Газет Магъарамдхуьруьн райондин администрацияда регистрация авуна.**  
**Регистрациядин № 301.**

**Редакциядин адрес:** Магъарамдхуьр, Ленинан куьче, 4.  
**Телефонар:** редактор- 25-1-37, жавабдар секретарь - 25-1-39, бухгалтер-25-9-69.

**Чап ийиз вахкудай вахт - 16.00.**

**Чапун патал къул чIугуна- 15.00.**

Газет ООО «Самур» типографияда гьазурна ва гьана чапна. 368780. Магъарамдхуьр, Ленинан куьче, 4. Лезги чIап.  
**Индекс 63340. Тираж 1458.**  
**Заказ № 9.**